

7  
L 18  
0

14

Innser von Gottes  
genaden Moritzen Hertzogen zu  
Sachsen/ Landtgraffen in Thüringen/  
vnd Marggraffen zu Weissen warhafftiger bericht/  
welcher gestalt sich Hertzog Heinrichs von Braun-  
schwigk vnd seines sones Hertzog Carln Ergebun-  
ge/ in dem nechstvorschinen fünffvndvierzigsten jar  
zugetragen/ wider die vnwarhafftigen Leute/ wel-  
che zu vnserm vnd anderer vnglimpffe einen andern  
selbst ertichten/ vnerfintlichen vnd vnwar-  
hafftigen bericht/ ausbreiten.



Faint, illegible text, likely bleed-through from the reverse side of the page.



**W**ir achten one noth/  
die gelegenheit itziger leuffte/ jes  
mands zu erinnern / denn sie an  
inen selbs/ also geschwinde vnd  
ferlich/ das Gott vmb sein gena  
de fürderlich zu bitten/ vnd ditz

zum höchsten von nöten/ das solcher leuffte/ dermas  
sen wargenomen/ damit den auswendigē Feinden/  
mit widerstand begegnet / vñ die innerliche Kriege/  
inn dem heiligen Römischen Reiche / vornemlich  
Deutscher nation/ so viel möglich/ vorhütet werde.

Welcher gestalt aber wir/ als ein junger Für  
ste/ zu solcher der Christenheit höchster notturfft ge  
neigt/ das wollen wir vnserere ordentliche Oberkeit/  
vnd andere/ die dauon wissens haben/ besagen lassen.

Vnd nach dem in solchen leufften / eine jede des  
Kriegsvolcks versamlunge / do die inn keines benanz  
ten / oder eines zum schein gerümpften Herren/ naz  
men gschicht/ billich vordechtig/ Vnd sich denn des  
nechst verschienē fünffvñvierzigste jars/ in dem land  
zu Hadeln/ Kriegsvolck zu Ros vnd Fus/ versam  
let / vnd erstlich den Herrn nicht nennen wollen/  
Darnach aber den König zu Franckreich / als iren  
herren/ ernennet / hat vns solcher versamlunge vnd  
vordachts halben / der Landtgraffe zu Hessen / ge  
schrieben/ Vnd souiel seiner Liebde derhalben vor  
kommen/ vermeldet.

¶ ü

Vnd

Vnd wiewol solcher versamlunge / verdacht /  
mehr denn in einen weg zu bedencen gewest / so ist  
doch letztlich an tag kommen / das obgemelt Kriegs-  
volck / Hertzog Heinrichen von Braunschwigk / zu-  
stände / ime gemehret / vnd sich in seinen dienst ver-  
sprochen hetten / vngeacht / ob Christoff von Wris-  
bergk / als der oberste vnd andere / solchs zuuor zum  
höchsten verneint.

Dieweil denn nicht vormutlich / das inn Her-  
zog Heinrichs / der selben zeit vermügen / ein solch  
stadlich Kriegsvolck / zu besolden / ist leichtlich zu er-  
achten gewest / das entweder Hertzog Heinrich / zu  
solcher besoldunge einen vorleger haben / oder sonst  
des vornemens sein müste / ein vnruhe in Deutscher  
nation / in andere wege zu erweckē / welchs den nicht  
allein / dem Churfürsten zu Sachssen / vnd Land-  
graffen zu Hessen / als vnsern freunden / Sondern  
auch vns / vnd andern nachteilig het werden mögen /  
Sonderlich vnd zuuorn / weil wir gewusst / das die  
Römische Keiserliche Maiestat / vnser aller gnedig-  
ster herre / Hertzog Heinrichen friede geboten / vnd  
auch gnedigst geneigt vñ erbottig gewest / sein Land  
mit einer billichen mas zu sich zu nemen.

Dieweil wir denn / von obgemelten vnsern  
freunden / dem Churfürsten zu Sachssen / vnd Land-  
graffen zu Hessen / vmb hülffe / zu rettunge ierer lieb-  
den Lande angesucht / Vnd wir ieren Liebden / der-  
mas / wie auch vnserer Vorfarn / vorwant / das wir  
sie

sie inn solchem falle / nicht zu verlassen gewusst / haben wir vns / wiewol mit vnserm mercklichen vnstaten / vornemlich vnseres Leibes schwachheit haben / mit etlichen Reutern vnd Knechten / iren Liebeden / zu derselben defension / zu zuziehen erhoben.

Wir hetten aber zum liebsten gesehen / das Hertzog Heinrich / über obgemelth / der Römischen Kaiserlichen May. genedigst erbieten / diese vnruhe nicht erweckt / oder das er douon / were abgewiesen / wie wir denn derhalben / an die Römische Königliche Maiestat / vnsern allergenedigstē herren geschrieben.

Als wir aber mit vnserm Kriegsvolcke / in vnser stad Pegaw kommen / hat vns Marggraff Hans zu Brandenburg / geschrieben / Ob wir vns / neben seiner lieb / einlassen wolten / die sache / zwischen den Chur vnd Fürsten / so die mitbelangen thut / an einem / vnd Hertzog Heinrichen von Braunschwig / andermteil / gütlich zu vertragen / Darauf / wiewol wir des / allerley bedencen gehabt / seind wir dieser meinung worden / wo beide teil / vnser unterhandlung leiden könten / das wir an vnserm fleisse nichts wolten erwinden lassen / wie wir denn Marggraff Hans / vnd auch dem Landgrafen zugeschrieben.

Nach diesem / seind wir nicht alleine von vnsern Braffen / Sondern auch / vnserm lieben schwager / Hertzog Erichen zu Braunschwig vnd seiner  
N iij — Liebden

Liebden Mutter/ vmb solche vnterhandlungē/ an-  
gesucht.

Als wir aber fürder des zugs Kegen Wülhausen  
Kömen/ hat Hertzog Heinrich von Braunschwigk/  
an vns geschrieben/ vñnd wissen wöllen/ wes er sich  
zu vñns solte versehen. Dorauß wir ime zu ant-  
wort geben/ Sein Land gehe vns nichts an/ Vñnd  
do er vnserē vnterhandlungē / auch billiche weisun-  
ge/ nicht leiden wolte / Könten wir vnserē freunde  
mit hülffe vñnd Rath nicht verlassen / Wie solcher  
brieffe Copey/ am ende/ Hertzog Heinrichs mit A.  
vñd vnserē mit B. gezeichnet zu befinden.

Nach diesen/ seind etliche mehr schreiben zwis-  
schen vns/ vñd Hertzog Heinrichen ergangen/ in wel-  
chen er vns/ güliche handlungē eingereumt/ Do-  
rauff wir ime zugeschrieben/ das wir vnserē Kethe/  
auff Sonabend den siebenzehenden Octobris zu ime  
schicken wolten/ wie er denn irenthalben ein schrift-  
lich geleite übersendet / Es hat aber Hertzog Hein-  
rich solchs nicht erwartet/ sondern mit eins teils sei-  
nes Kriegsvolcks an demselben Sonabend/ des Land-  
graffen Peger/ nahent gezogen / in willen/ sein heil  
zu versuchen/ dardurch er vns wol vrsach geben/ von  
der handlungē abe / vñnd vnserē freunde/ mit hülffe  
vñd Rath/ nicht zu verlassen/ wie wir ime von Wül-  
hausen aus / geschrieben. Wir haben aber bedacht/  
die gefehrlichen leuffte / die des Türcken halben vor-  
stehen/ vñd das viel guter Leute auff beiden seiten ge-  
wesen/

wesen / die billicher Egen dem Türcken solten ge-  
braucht / denn dergestalt / von einander beschedigt  
werden / Darumb wir Hertzog Heinrichen weitter  
geschrieben / besage der Copey mit C.

Vnd ob wol Hertzog Heinrich / vns wider ge-  
schrieben / vnd vnsern Rethen / das Seleithe erneu-  
ert / inhalts der Copey / vnter dem buchstaben D.  
So hat er doch derer abermals anders nicht erwar-  
tet / denn das er des Sonntags mit allem seinem  
Kriegsvolcke zu Ros vnd Fus / des Landgraffen le-  
ger nahent gezogen / vnd sein heil mit aller seiner  
macht versucht / Aber vngachtet des / haben wir vn-  
sere Rethen zu jme reiten / vnd einen tag anstand ma-  
chen lassen / damit wir vns / mit jm / möchten person-  
lich vnterreden.

Welcher gestalt aber solcher anstand bey dem  
Landgraffen schwerlich zu erhalten / vnd wie sein  
Liebd vnd die andern / zu dem gülichen handel  
schwerlich zu vormügen gewesen / das können sein  
Liebd vnd die andern / so dauon wissens haben /  
grüntlich berichten / So haben wir des vor vnser  
person auch gut wissen.

Wir aber haben vns inn solcher vnterhandlun-  
ge / als einem Ehrlichen / Christlichen Fürsten ge-  
bürt / vnd anders nicht / verhalten / vnd beiden teilen  
allerley vmbstende / Vornemlich die vorstehende ge-  
fahre / des Türcken halben / mit fleis erinnert / vnd  
jnen zu dem vertrage / trewlich vñ fleissig gerathen.  
Wir

Wir haben auch vnserere Vorschlege zu solchem  
vertrage / also gerichtet / das freuntschafft friede vnd  
einigkeit / dardurch hette wider auffgerichtet / vnd  
der vorstehende schaden vnd nachteil mügen vorhüt-  
tet werden.

Denn es wirdt Hertzog Heinrich vnd alle die  
jenigen / so er am Montage hernach in dem Closter  
Wybershausen / inn der handlung bey sich gehabt /  
bekennen müssen / wie getrewlich wir jnen / der vor-  
stehenden schwinden leuffte erinert / Das wir auch /  
als der vnterhändler / diese Vorschlege gethan / dar-  
durch Er / vnserer verhoffens / zu seinen Landen vnd  
Leuten / auch mit vnsern Freunden / vnd den an-  
dern / inn vorige freuntschafft vnd einigkeit hette  
kommen mögen / wie denn solchs vnserere schriftlich /  
jme übergebene vorschlege / thun besagen.

Was in aber verursacht / die selben vnserere billi-  
che / gleiche / friedsame vnd freuntliche vorschlege /  
nicht anzunehmen / das können wir nicht ermessen /  
Wir aber können mit warheit schreiben / das wir  
vnserem herrn Vatern seliger gedechtnus / wue sein  
Liebd noch am leben were / Oder vnserem leiplichen  
Bruder / oder auch vns selbs / wue jren Liebden o-  
der vns / vnserere sachen / do Gott vor sey / also zustün-  
den / wie Hertzog Heinrichs sachen damals gestan-  
den / solche vorschlege nicht wüsten zu widderrathē /  
Also gantz trewlich vnd freuntlich haben wir diese  
sachen / zu beiden teilen gemeint / Denn vnser gez-  
müt

müt ist dahin gericht gewest / souiel mit allerseits  
fried vnd ruhe / hette geschehen mögen / Hertzog  
Heinrich sein wider begerte Land vnd Leute / auch  
vnserer freunde vorige einigkeit vnd freuntschafft  
zu gönnen / vnd darzu nach vnserm besten fleisse zu  
fördern.

Das vns aber darauff die volge entstanden/  
das müssen wir dohin stellen. Were aber jmand / der  
vns solche vnser trewe wolmeinunge / zu einem ge-  
ferlichen verzug / oder sonst anders deuten wolte /  
der thut vns doran öffentlich vnrecht / vnd nicht /  
wie einem Erlichen / redlichen manne gebürt / darin  
nen wir keinen zuuerschonen wissen.

Als vns aber / wie obgemelt / die volge vnserer  
wolmeinlichen vorschlege vnd handlung / an dem  
Montage in dem Closter entstanden / haben wirs / in  
warheit / nicht gern vernomen / Vnd ob wir wol  
zuuorn / aus Wülhausen Hertzog Heinrichen vnser  
gemüt zugeschrieben / das wir auff denen fall vnser  
Freunde / mit hülffe vnd rath / nicht wüsten zu ver-  
lassen / So haben wir doch neben vnserm freuntli-  
chen vnd lieben brudern herrn Augusto Hertzogen  
zu Sachsen etc. noch eine verwahrunge stellen las-  
sen / vnd die Hertzog Heinrichen bey vnserm Trom-  
meter folgendes dinstags zugeschickt / vnd seind des  
selben Dinstags mit vnserm krigesvolcke / inn des  
Landgraffen Leger gezogen.

Bemelts Dinstags / haben Hertzog Heinrichen  
B an

an vnserer Rethen / vnd vnserer Rethen wider an sie / geschriben / wie vnter dem buchstaben E. zu befinden / Vnd ist aus derselben vnserer Rethen antwort / deutlich vnd klerlich zu vernemen / das der Landgraff vnd die andern zu keiner gütlichen handlung weiter zu vermügen gewest / So hat auch Hertzog Heinrich aus vnser anderweith verwarunge zu verstehn gehabt / das wir ferner zu handeln nicht bedacht gewest.

Nach diesem seind wir mit dem Landtgraffen vnd dem gantzen helen hauffen / nach Hertzog Heinrichs Leger gezogen / Vnd als die hauffen einander nahent kommen / vnd die Feindliche handlung beiderseits angegangen / Ist einer / der sich nennet Friderich Speth / mit einem Trommeter / vor vnserer teils hauffen kommen / vnd vns durch den selben Trommeter bitten lassen / das wir vnserer Rethen zu ime schicken wolten / sprache mit ime zu halten / vnd ist Hilmar von Wöndchhausen mittekommen / vns / seiner sachen halben / weil er / als vnser bestelter diener / von vns abgefodert / anzusprechen / Als haben wir etlichen vnserer Rethen befolhen / sie zu hören / denen haben sie dazumal vormeldet / das sie auff vnserer inn dem Closter vorgeschlagene mittel / die sache gerne vertragen sehen wolten / Mit bitte / das vnserer Rethen wolten helffen verhüten / das so viel Christlichs geblüts nicht vergossen würde / welches vns vnserer Rethen also berichtet / Darauff wir als der Fürst /

Fürst/so alle schedliche weiterunge dis fals/aus ob-  
gemelten vrsachen / auff solch ansuchen nachmals  
zum liebsten hette vorkommen helffen / nach dem  
Landgraffen geritten/ das selb seiner Liebdt anzuzei-  
gen/Es hat vns aber sein Liebdt/ solchs von vns zu  
hören/etwas auffgezogen / Vnd ist selbs zu Fride-  
rich Spethen vnd Hilmar von Wöschhausen/ die  
auff antwort gewartet/ geritten / vnd angezeigt/  
Wo sich Hertzog Heinrich vnd sein Son / an jnen  
den Landgraffen nicht ergeben wolten / dörfte es  
keiner handlung/ das solten sie jrem herrn Hertzog  
Heinrich vermelden. Dorauff sie vns gebeten/ das  
wir wolten helffen / damit sie eine bessere antwort  
von dem Landgraffen bekommen möchten/Als ha-  
ben wir jnen geantwort/ Ir habt gehört/ was euch  
der Landgraff zu antwort geben hat / Ist nu Her-  
zog Heinriche etwas doran gelegen / das er vns an-  
sprechen wil / so seind wir vnbeschwerdt/ zu jme ü-  
ber den graben zu reiten/ vnd vns mit jm zu vnterre-  
den/welchs sie angenommen / Hertzog Heinriche an-  
zuzeigen.

Vnd als Hertzog Heinrich vnd wir/ beider-  
seits einer von dem andern diesen verstand gehabt/  
das wir zu vnd voneinander sicher kommen solten/  
Seind wir Hertzog Heinrichen durch den graben  
entgegen geritten.

Als wir aber zu samen kommen / hat kein teil  
den anfang der reden machen wollen/ Als haben

B ü

wir

wir letztlich diese wort Kegen Hertzog Heinrichen ge  
braucht / Herre was seid jr zuthun bedacht / denn  
wir vns wol versehen / Speth vnnnd Wönnchhausen  
würden Hertzog Heinrichen nicht verhalten haben /  
das der Landgraff begert / das Er vnd sein Son / sich  
an sein Lieb ergeben solten / Als hat vns Hertzog  
Heinrich geantwort / mit diesen Worten / Ich bin be  
dacht / alles zuthun / das mir nicht vnehrlich ist /  
Dorauß wir weiter gefragt / was er denn zuthun  
bedacht / Darzu er geantwort / Ich were bedacht  
die Artickel anzunemen / die ewer Lieb in obgemel  
tem Closter vorgeschlagen / vnnnd dorauß diese sache  
vertragen zu lassen / Darzu wir zu stund geant  
wort / wir wösten darauß nicht zu handeln / denn  
wir vermerckten / der Landgraff wölte in keinen an  
dern wegk willigen / denn das Er vnd sein Son sich  
an jnen ergeben / Er würde auch auff diesen tag  
schwerlich eine bessere richtunge bekommen.

Wir haben jm auch nach gestalten sachen nicht  
anders zurathen wissen / Denn er wirdet in keiner  
abrede sein / das jnen Wrisbergk / Kurtz zuuorn / viel  
leicht der nicht bezalunge halber / inn einem Closter  
zwencklich gehalten / Darumb er sich auff seinen  
abzug nichts bessers bey etzlichen zu versehē gehabt /  
Wie denn Hertzog Heinrich vnd seine Befelchs leu  
te am besten wissen / ob sie den abent zuuorn / zum  
teil zweispeltig wurden / vnnnd einander abgedanckt  
haben oder nicht. So haben wir auch gesehen / das  
sich

sich seine Knechte zeitlich auff den weg gemacht/  
vnd den Heuffen den rucken gewandt / wie er sich  
denn hernach beklagt / das der Wrisbergk an jme er-  
ger / denn an dem Landgraffen gehandelt / Zu deme  
haben wir sein bekommert gemüt bis an die threne  
seiner augen vormerckt / Denn er on zweiffel aller-  
ley umbstende / die wir alhier nicht erzelen / vnd son-  
derlich ditzs bedacht / vnd vor augen gesehen / das sein  
Volck vnd Er / des tages / sich keines Siegs zu ver-  
trösten gehabt.

Er ist aber bey vns sicherer / denn wir bey jme/  
gewest / Denn er einen graben zwischen gehabt /  
durch denen wir zu jme / vnd er nicht zu vns / ge-  
ritten.

Als er sich aber entlich gegen vns vornemen las-  
sen / das er sich sampt seinem sone / an den Landgraf-  
fen ergeben wolte / Seind wir zu dem Landgraffen  
geritten / seiner Liebdt solchs angezeigt / vnd von der  
selben so viel vermarckt / das er Hertzog Heinrichen  
Fürstlich halten wolte / Wiltler weile ist Hertzog  
Heinrich jenseid dem Graben sicher / sonder geferde  
halten blieben / Vnd hette seins gefallens abe reiten /  
auch sich nachmals stadlich vnd wol bedencken Kön-  
nen / wie denn gesehen wurden / des er mit etzlichen  
der seinen / die domals bey jme gehalten / mitlerzeit  
hin vnd wider geritten / vnd sich mit jnen vnter-  
redt / Hernach haben wir einen vnserer Kethe zu jm  
geschickt / vnd jme anzeigen lassen / Wo er das zu  
B ij thun

thun bedacht / wie er vns letztlich angezeit / vnd wir  
von jme abgescheiden / so möchte er kommen / Dor=  
auff ist er gutwillig über den Graben geritten / vnd  
sich zu dem Landgraffen vnd vns genehet / do er one  
das / vnd wo es seine meinung nicht gewest were  
sich zu ergeben / hinder sich zu den seinen sicher hette  
reiten mögen.

Aber die zeit weil wir mit jme jenseit des Gra=  
bens geredt / hat der Landgraff mit seinem Kriegs=  
volck hart hernach gedrungen / vnd feindtlich ge=  
schossen / darumb wir in einer vngedult zu rücke ge=  
schickt / vnd anzeigen lassen / das sein Liebdt gemach  
thun wolte / Den wir haben bedacht / weil Her=  
zog Heinrich vnd wir auff vngeserlich zu vnd abe=  
reiten / zu samen geritten / do jme darüber einiger ge=  
walt solte begegnen / das solchs wider das zuentpie=  
ten / so wir einander / wie oben gemelt / des sichern zu  
vnd abereitens halber / gethan / sein würde / Es hat  
auch darauff der Landgraff gemach gethan / vnd ist  
Hertzog Heinrich kein gewalt noch gefahr bege=  
gnet.

Als aber / wie gemelt / Hertzog Heinrich nach  
vnserm von jme abreiten / mit einem vnserer Re=  
the / denen wir (nach dem wir erst zu dem Landgraf  
fen geritten) wider zu rücke zu jme geschickt / gut=  
willig / one einigen zwangk / not / oder gefahr her=  
nach geritten / Seind wir jme einen teil des wegs /  
ehrerbittunge halber / nach dem er elter ist den wir /  
entke=

entgegen/ vnd mit jme zum Landgraffen/ geritten.

Do aber Hertzog Heinrich/ sein Son/ der Landgraff vnd wir zu sammen kommen/ haben sie/ Hertzog Heinrich vnd der Landgraff gegeneinander geredt/ wie sie sich des beiderseits wissen zu erinnern.

Nach welcher vnterrede der Landgraffe dieser wort gebraucht/ So wil also Hertzog Heinrich vnd sein Son sich an mich ergeben/ Darzu wir/ auch Hertzog Heinrich stiller geschwigen/ vnd können nicht wissen/ ob es Hertzog Heinrich gehört oder nicht/ Es hat aber der Landgraff zum andern mal die vorigen wort erneuert/ vnd gefragt/ Ob sich Hertzog Heinrich vnd sein Son an sein Lieb ergeben wolten/ Darzu hat Hertzog Heinrich one allen gezwang oder nötigung gesagt/ Ja/ ich wil mich sampt meinem Son an dich ergeben/ Vnd wir hetzen leiden können/ were es sein gemüt entlich/ sich nicht zu ergeben gewest/ das er vns/ oder dem Landgraffen sollichs angezeigt/ So hett er widerumb zu den seinen sicher kommen sollen.

Darauff hat der Landgraff etzliche vom adel verordnet/ die auff Hertzog Heinrichen warten solten/ welcher eins teils gehört/ das er sich gegen vns beklagt/ wie bösllich Wrisberg an jme behandelt.

Aus dem allen hat menniglich zu vernemen/ das wir vns/ auff obgemelter/ Hertzog Heinrichs die zeit Diener ansuchen/ nicht anders denn einem Ehrlichen/ redlichen Fürsten/ dem der fried geliebt/ vnd

vnd nachtheilige weiterunge vnd blutuergiessen / in dem heiligen Reiche Deutscher nation / zum höchsten entkegen ist / verhalten / vnd Hertzog Heinrichen / mit keinen gefehrlichen Worten inn not bracht / noch einen gefehrlichen / versenglichen oder böslischen rath gegeben / Sondern was durch vns geschehen / das ist gantz guter / auch freuntlicher / ehrlicher vnd gar keiner andern meinunge bescheen / Vnd wir könten leiden / wo man vns in einen vnehrlichen verdacht ziehen wolte / das wir an der Witwoche von Hertzog Heinrichs dienern werē vnangelanget blieben / vnd die ding also ergangen / wie es des tagscheinlich vor augen gewesse / Doch hetten wir mit den Ehrlichen leuten mitleiden / die vnserer auffrichtige vnd Fürstliche wolmeinunge erwegen / vnd vns darumb vntertthenig danckbar sein möchten.

Wir haben auch dazumal denen willen gehabt / Hertzog Heinrichs halber / als eines betrübeten Fürsten mitleidlich / vnd der andern halben / damit die sache nachmals beiderseits möchte ire endtschafft gewinnen / vnd zu vertrage bracht werden / vns weiter in handlung einzulassen / Vnd derhalben nach geschehener ergebunge / vnserer Kette zu Hertzog Heinriche vnd seinem Sone gegen Zigenhain vnd Cassel geschickt / ime solchs vnd vnsern freuntlichen willen anzeigen lassen / des er sich gegen vns freuntlich bedanckt / vnd gebeten / das wir das beste thun wolten / das die sache zu einem guten ende möchte gebracht werden.

Dor

Dorauß haben wir vnsern fleis nicht gespart/  
vnd nicht allein dem Landgraffen derhalben ge=  
schrieben/ Sondern vnsern Secretarien mehr denn  
eins/ hernach vnserer Reche zu seiner Liebdt mit fleis=  
siger schrift / werbung / bitte vnd anhalten ge=  
schickt/ Vnd als sein Liebdt den handel von sich auff  
die Einungsverwandten Stende geschoben/ haben  
wir nicht vnterlassen / vnsern Geschickten / Kegen  
Francfurt an Meyn zu der selben Stenden Re=  
chen vnd geschickten/ abzufertigen / Do wir auch  
hätten ditz vorwissen haben können/ das vns der sel=  
ben stelle vnd zeit/ handlung hette sollen gestattet  
werden / wolten wir vns eigener person dohin der=  
halben verfügt haben.

Wir haben aber durch solche mannichfeltige  
Schriften vnd schickunge vnd allen müglichen vor=  
gewandten fleis/ noch zur zeit keine andere antwort  
erlangen mögen/ denn das wir vmb antwort weiter  
anhaltten solten / welches wir vnns der vnkost / auch  
des persönlichen nachreisens halben/ nicht wolten be=  
schweren/ wo wir dabey gelassen würden.

Wir vermercken aber / das von etzlichen vnser  
trewe gute meinunge / als verfencklich vnd gefe=  
lich/ vñ alles das wir zum besten gethan vñ gerathē/  
gantz verkerlich wil gedeutet/ vngeacht/ das wir kei=  
ne vrsache erdencken konten/ welcher halben vns sol=  
ches mit warheit möchte zugemessen werden/ denn  
wir/ Gott lob/ des Fürstlichen/ ehrlichen herkom=  
mens

mens vnd gemüts sein / das vnserer ankunfft vnd ge-  
müts halben / solchs bey vnns nicht zu vermuthen /  
So werden wir auch vmb gelts willen / so wir des  
orts verthan / vnd nicht bekommen / oder auch gros-  
sen guts vnd nutzes halber / so des orts nicht zu er-  
langen gewesse / des nicht schuldig geachtet werden  
können / Noch weniger / das wir vnserer Freunde  
gunst halben / solchs hetten thun dörrffen / wie denn  
auch vnser Freunde sollich der gestalt nie begert /  
Vnd do sie es gesucht / als sie darzu zu ehrlich seind /  
wolten wir es nicht freuntlich vermarckt / noch sie  
vor vnserer Freunde gehalten haben / So hat es auch  
diese meinunge nicht / das wir aus einigem neide o-  
der has zu solcher vnehrlichen that / vns wolten ha-  
ben bewegen lassen / Denn des tags solliche bequem-  
ligkeit gewesen / das wir vnsern feindlichen vnd  
ernsten willen gegen im vnd den seinen / durch ehrli-  
che kriegaübunge wol hetten erzeigen mögen / Vnd  
ob solliche bequemligkeit nicht gewesen / wolten wir  
gleichwol lieber des vnfalls erwartet / denn vnns inn  
solliche schnöde vnd geferliche handelunge eingelaf-  
sen haben.

Die weil wir aber für alle solche vnserer wol-  
meinliche / friedsame vnd fleissige erzeigunge / von etz-  
lichen nichts anders / denn vnwarhafftige / felschliche  
vnd ertichte / schimpffliche vnd schmeliche nachrede  
erlanget / So ist vnserer notturfft / vns derhalben mit  
grunde der warheit zu verantworden / nicht der lo-  
sen leu-

sen leute halber / die vns solchs zumessen / die denn sol  
cher verantwortunge nicht würdig seind / sondern  
ehrlicher leute halber / vor die ire vnwarhafftige / er=  
tichte vnd vnerfindliche rede kommen möchten.

Alber erstlich wollen wir diesen vnterscheid of=  
fentlich hiemit gemacht haben / Das one zweiffel vn  
ter (die zeit) Hertzog Heinrichs Kriegsvolcke viel ehr  
licher / redlicher Kriegsleute sein / denen die warheit  
mehr denn die ertichten reden gelieben / die vns auch  
vnnsers / irenthalben / genedigen fleisses vnzweiffe=  
lich / vnterthenig vnd gebürlich werden danckbar  
sein / Darumb wollen wir die selbigen auff solchen  
falh / mit dieser vnserer verantwortunge nicht ge=  
meint haben / sondern seind jnen mit genaden ge=  
neigt.

Zum andern / Können wir gleuben das Hertzog  
Heinrich vnd sein Son betrübt Fürsten sein / Vnd  
das sie durch vnns auff ire erledigung zu dringen  
hoffnung haben möchten / Vnd wo sie obgemelten  
vnsern warhafftigen bericht zu befürderung irer er=  
ledigung nicht anderst werden deuten / wie es sich  
denn auch in warheit nicht anders helt / noch anders  
mit grunde gedeutet werden kan / So wollen wir j=  
nen / jr widerbegerte Land vnd Leute nachmals ger  
ne gönnen / vnd darzu / so viel an vns / vnd mit friede  
vnd ruhe allerseits geschehen kan / treulich vnd fleis=  
sig fürdern / Vnns auch vnserer persönlichen / darzu  
nachreisens / nicht beschweren / Würden sie aber sol=  
ches

S ü

ches

ches nicht thun/vnnd den handel anders deuten/ So  
wollen wir sie in nachfolgender vnserer verantwor-  
tunge / auch mit eingezogen / vnnd darinnen nicht  
ausgenommen haben.

Vnnd sagen demnach / welcher vnns zumisst/  
nachsinget / sagt oder von sich schreibt / Das wir  
vns/Hertzog Heinriche zu geferlichem verzugk oder  
verfang/vnd nicht rechter/trewer/friedlicher vnnd  
guter meinunge in gütliche handlung vnd vnterre-  
de eingelassen/oder anders denn zwischen beiden teil-  
len/die gütte/frieden vnd freuntschafft dermassen zu  
handeln / wie einem Ehrlichen Fürsten gebürt vnd  
wol anstehet/Wie auch solchs von vnsern Redlichen  
vnnd Ehrlichen Eltern/Voreltern vnnd Anhern/  
Fürsten zu Sachssen/vns/ als Fürstliche tugent an  
geboren ist / oder das vnserer Kette vor Hertzogen  
Heinrichen auff die Knie gefallen/ oder das wir Her-  
zog Heinrichen vnd seinen Son/zv vns/auff traw-  
en vnd glauben bescheiden / vnd dardurch jr gefenck-  
nus verursacht / oder das wir Hertzog Heinrich an  
der Witwoche zugesagt / seine sache auff vnserer inn  
dem Closter vorgeschlagene mittel / zu vertragen/  
vnd das er darauff mit vns zu dem Landgraffen ge-  
ritten/Oder das wir sonst/mit jme oder seinem So-  
ne/ durch vns oder die vnsern / des tages oder sonst/  
die zeit vnserer lebens/anders/denn Ehrlich/ Fürst-  
lich vnnd auffrichtig gehandelt/ oder jnen inn dieser  
Kriegsbünnge vorsetzig / inn einiche beschwerunge/  
durch

durch vnserer vnterhandlungē / rath oder vnterredun-  
ge gefürt / oder das zwischen vns vnd ime einiges ei-  
des je gedacht / Der tichtet vnns böselich / felschlich /  
vnwarhafftig vnd vnredlich an / Nicht wie einem  
Adelichen / Ehrlichen / Warhafftigen vñ Redlichen  
manne gebürt vnd wol anstehet / hierinne keine per-  
sone / wes standes die sey / ausgenommen / Vnd wir  
wöllen / ob Gott wil / vnserer anererbte Fürstliche  
ehre / so weit sich alle vnser vermügen thut erstre-  
cken / mit grunde vnd warheit / gegen diesen losen  
leuten vnd irem anhangē / Fürstlich vnd gebürlich  
verantworten / vertedigen vnd erhalten bis an vn-  
ser ende.

Denn das wissen wir / Gott lob / mit warheit  
zu schreiben / das so viel Ehrlichen / Fürstlichen / auch  
männlichen gebürt / bey vnsern Freunden / vns vnd  
vnserm ditz teils Kriegsvolcke / des tags gewesen / ge-  
spürt / vermerckt vnd erzeigt worden / das nicht not  
gewest / den vnwarhafftigen leuten / zu iren vnwar-  
hafftigen reden / vrsache zu geben / Welchs wir eben  
so wenig wolten gethan / wo wir mit vnserm Kriegs-  
volcke allein im felde gewesen / sondern lieber des  
streichs erwartet haben / Damit aber derselben lo-  
sen leut vngrunt augenscheinlich an den tag kome /  
wirdt Alchim Ryba / vnd andere die solches gehört /  
nicht in abrede sein können / Das nach geschehener /  
Hertzog Heinrichs vnd seines Sons ergebunge / als  
sie sich mit etzlichen verdrieslichen Worten haben  
S in wöllen

wöllen vernemen lassen/ Der Landgraff zu inen ge-  
sagt / wolten sie so böse sein / das sie nachmals iren  
Herren hinnemen / vnnnd sich so böse machten als sie  
kōnten / Darauff solten sie billich Hertzog Heinri-  
chen / wo sie den Fuchs zum teil so gerne gebissen/  
als sie itzo von sich selbst rümen/ mit sich genomen/  
oder sich sonst haben vernemen lassen/wo sie gemer-  
cket/ das anders/denn wie oben gemelt/mit ime ge-  
baret.

Wir müssen aber der selben losen leute vnerfint-  
lich zumessen / die vns mit vnwarheit dermas aus-  
tragen / dahin deuten / das sie ire zagheit vnnnd vn-  
trew / die sie den tag an irem herrn beweisst/ wie er  
sich als bald vnnnd hernach selbst beklagt/ damit gern  
bedecken wolten / Vnd das sie one das mit vnadeli-  
chen vnd vnehrlichen thaten/Vnnnd denn mit verur-  
sachter armut zum teil also beladē/ das sie verhofft/  
das gemachte redlein weiter zu treiben/vnnnd es dar-  
bey nicht wenden zu lassen / wenn gleich Hertzog  
Heinrichs sache were vertragen worden / wo er sich  
nicht ergeben/Sondern das sie ferner vnruhe in dem  
heiligen Reiche verursachen / vnd weiter ir heil ver-  
suchen wolten/ Ob sie dardurch zu einichen vermein-  
ten ehren oder gut hetten kommen mögen / Was a-  
ber der Deutschen Nation / daraus erfolgen hette  
kōnnen/das ist leichtlich zu erachten / Vnnnd noch-  
mals nicht von vnnōten/ das auff sie gute achtunge  
gegeben werde. Vnd hiemit wöllen wir die vnschul-  
digen

digen nicht/sondern die schuldigen gemeint haben.

Vnd wir kōnten leiden/do die selben losen leute von vns wolten reden / das sie zu gleich von vns vnd von sich selbst / die warheit sagten / vnd bekenten/ was jr fürhaben nach dieser geendten sach/gegen den Stifften/Magdeburgk vnd Halberstad/vnd vielleicht andern/gewest/oder was sie sonst im sinne gehabt/Darauff wurden sie vermercken/ was die Rōmische Keiserliche/ auch die Rōm. Kön. May. vnd die Stende des heiligen Reichs / ob irem fürhaben wurden vor gefallen haben / oder wie gehorsamlich vnd ehrlich jnen solchs würde erspriessen.

Demnach ist an hochgemelte Keiserliche vnd Königliche Maiestat/ Auch Churfürsten/ Fürsten/ vnd alle des heiligen Reichs Stende / vnser vnterthēigste/ auch freuntliche bitte / gütlich vnd gnedig gesinnen vnd begeren/ ob der selben losen leute/ in dieser sachen reden/geticht oder schrifften/ vor ire May. Liebden/ oder die andern/ Kommen weren/oder künftig Kommen würden/sie wolten denen weder statt noch glauben geben/ire May. Liebden/ vnd die andern/wolten sie auch in jren Landen vnd Gebiethen nicht geleiten/nach sie hausen/hegen oder in einiche wege befördern/ Sondern die vor Lose/vnwarhafftige / vnehrliche / auffrührische Leute vnd meutmacher achten vnd halten/vnd vns die zu gebrülichem Rechten einnehmen/vñ also verhaften lassen/damit wir Rechts an jnen bekommen/vnd menniglichen

lichen offenbar werde / was es vor Leute sein / vnd  
was jr fürhaben gewesen / vnd wie bölich / felschlich  
vnd mit vnwarheit sie vns an vnserer Fürstliche Eh  
re geredt vnd geticht haben / Denn wir haben vns /  
(one rhum zu schreiben) in dieser Kriegsübung / vnd  
sonst die tage vnserer lebens / Gott lob / dermassen ver  
halten / als einem Ehrliebenden / warhafftigen Für  
sten gebürt vnd wol anstehet / vnd wollen vns vor  
mittelst Göttlicher genade / bis an vnser ende also  
verhalten / das man erkennen vnd befinden sol / das  
wir vmb keinerley sachen willen auff erden / anders  
denn Fürstlich / ehrlich vnd warhafftig / wie vns  
von vnsern ehrlichen Eltern vnd Vorfarn löblich  
angeboren ist / handeln wollen / Vnd das es vns ke  
gen Hochgedachten Kei. vnd Kön. May. Churfür  
sten / Fürsten vnd Stenden des heiligen Reichs / mit  
guten ehren zu verantworten / vnd kegen mennig  
lich vnuerweislich sein sol / Das erbieten wir vns  
kegen jren May. vnterthenigst kegen jren Liebden  
freuntlich zu verdienen / Vnd es kegen den andern  
inn gnaden zu bedenccken / vnd genedig zu vermer  
cken. Datum in vnser stad Leipzig / den fünff  
ten tag des monds Aprilis / anno M. D. Elvj.

**D** Unser freuntliche dienste  
 vnnnd was wir sonst mehr liebes vnnnd  
 guts vermügen/ zuuorn / Hochgebor=  
 ner Fürst/ freuntlicher lieber Ohm/ Welcher mas=  
 sen wir/ wider Gott ehr vnd recht/ des heiligen Rö=  
 mischen Reichs ordenunge vnd landtfrieden/ one ei=  
 nige gegeben vrsache/ seind von vnsern Landen vnnnd  
 leuten gewaltiglich verdrungen worden/ Desselben  
 als einer offenbarn Notarien thathandlung bedör=  
 ffen E. R. Keiner erinēerunge/ Nun hetten wir wol  
 verhofft/ vnserer widerwertigen soltē sich zu letzt zu  
 schuldiger rechtmessiger restitution bekant/ vnd vns  
 aller dinge restituirt. Weil sie aber solchs/ über viel=  
 faltiglich mit jnen gepflogene handlung/ nicht ge=  
 than haben/ noch thun wöllen/ So seind wir/ zu ver=  
 hütunge vnser vnd vnserer Kinder ewigen verderbe/  
 getrungen worden / diese vnserer gegenwertige de=  
 fension / allein zu wider eroberunge berürter vnse=  
 rer abgetrungenen Lande vnd leute/ zu sampt erlit=  
 nem Kosten schaden vnnnd interesse / für vnnnd an die  
 hand zu nemen / Nu kōmen wir aber in erfahrung/  
 das E. R. sampt andern in grosser rüstunge sein sol=  
 len/ vns an solcher vnserer rechtmessigen vnnnd vns/  
 vormüge des Landfriedens erlaubter defension vnd  
 recuperation / des vnsern zu verhindern / Dieweil  
 wir aber solchs vmb E. R. die zeit vnserer lebens nie  
 D ver=

ursacht. Auch mit der selben inn vngutem nichts zu thun wissen/ noch anders oder mehres als allein vnser Vaterland / sampt angezogenen Kosten / schaden vnd interesse/ zu erlangen begern/ So können wir solchem anbringer keinen glauben zustellen/ Wollen vns auch deshalb versehen/ E. L. werden sich wider vns keines weges bewegen lassen/ Sonder viel mehr vns zu handhabunge/ des Reichs Landtfrieden/ als ein gehorsamer Fürst des Reichs / vormüge des selben Conuention / dorzu fürderlich vnd behülfflich sein/ Vnd wie wol wir vns ob dem gar keinen zweifel machen/ So bitten wir doch hierauff E. L. richtige widerbeschribene antwort bey gegenwertigem/ Wes wir vns desfalls zu E. L. sollen haben zu versehen oder nicht/ das seind wir vmb die selben freuntlich zu verdienen geneigt. Datum in vnserm Feldlager vor Wolffenbüttel am fünfften tag Octobris/ Anno 2c. Flo.

Von Gottes gnaden Heinrich der jünger/ Hertzog zu Braunschwigk vnd Lüneburgk 2c.

H. H. Z. B. D. L. D. J. 2c.  
mein hand.

Dem Hochgebornen Fürsten/ vnserm freuntlichen lieben Ohmen/ herrn Moritzen Hertzogē zu Sachsen/ Landgraffen in Thüringen vnd Marggraffen zu Weissen/

Zu E. L. eigen handen.  
Antwort

B. j.

Antwort an Hertzog Heinrich von  
Braunschwigk.



Unser freuntliche dienste / auch was  
wir liebes vnd guts vermügen zuuor/  
Hochgeborner Fürst/freuntlicher lie-  
ber Ohm/vns ist heute dato vō E. L.  
ein schreiben / das geben ist den fünfften tag dieses  
Monats / alhie zu Wülhausen zu kommen / Darin  
vns E. L. anzeiget/inn was Krieges übungē E. L.  
dieser zeit seind / Auch was E. L. vnserer rüstunge  
halben / in erfahrung kommen/ mit angehaffter bit/  
Dorauff vnserer richtige widerbeschribene antwort  
bey irem Diener/wes sich E. L. ditz fals zu vns sol-  
ten zu versehen haben oder nicht/solchs E. L. schrei-  
ben haben wir seins inhalts vorlesen/vnd wöllen E.  
L. nicht verhalten/ Das wir gleich diese stunde/do  
vns E. L. schreiben zukömen/ ein schrift an E. L.  
thun lassen/welche wir E. L. hierneben bey vnserm  
Trommeter zuschicken/daraus werden E. L. vnser  
gemüte allenthalben vernemen / vnd seind E. L.  
freuntlich zu dienen willig/ Datum Wülhausen/  
den xij. Octobris anno 2c. Flo.

Moritz Hertzog zu Sachsen 2c.

D ü

Die

B. ij.

Die erste vorwarungs schrift an Hertzog  
Heinrich von Braunschwigk.]

**U**nsere freuntliche dienst / auch was wir liebes  
vnd guts vermügen / zuuor / Hochgeborner  
Fürst / freuntlicher lieber Ohm / Wir seind glaub-  
lich berichtet / das E. L. dieser zeit etlich kriegsvolck  
zu Ross vñ fus versamlet / vñ domit in einer kriegs-  
übung seind / Nun haben wir es do für gehalten /  
Weil die Hochgeborne Fürsten / Herr Johans Fri-  
derich Hertzog zu Sachsen / des heiligen Römischen  
Reichs Ertzmarschalch / Churfürst / Landgraff inn  
Söringen / Marggraff zu Weissen / vnd Burggraff  
zu Magdeburgk / Vnd Herr Philips Landgraff zu  
Hessen / Graff zu Catzenbogen / Ditz / Zigenhain /  
vnd Nida / unsere freuntliche liebe Vetter / Vater  
vñ Gefatter / vñ die andern ierer Liebden Einungs-  
verwandten / sich legen der Röm. Key. May. unserm  
aller gnedigsten Herrn / dorein begeben / Das ierer  
May. ire Liebde das Fürstenthum Braunschwigk /  
Sequesters weise zustellen wolten / Vnd darauß  
die Key. May. E. L. bey peen ierer May. Keiserlichen  
ausgekündigtem landtfriedens geboten / Das E. L.  
der inn dem mandat erwenter abrede vnd capitula-  
tion zu wider nichts handelē / vnd vor gütlicher oder  
rechtlicher erbolgeter erörterunge der sachen / durch  
E. L. selbst noch andere mit der that vñ in vngutem  
wider

wider heimlich noch öffentlich inn keinerley weise  
noch wege legen obgemelten vnsern freunden vñnd  
andern / iren landen vñnd leuten / auch den inhabern /  
einsessen / nicht fürnemen / sonder gütlich oder recht  
lich austrags vñ erörterunge also erwarten / E. R.  
wurde es dabey wenden lassen / vñnd keine vnruhe dor  
über verursacht haben / Denn es würde one zweif  
fel die Key. May. der sachen gütlich oder rechtlich ab  
zuhelffen gnedigst nicht vnterlassen haben. Weil a  
ber E. R. solchs alles nicht geachtet / auch der Key.  
May. gebott / der gestalt / hindan gesetzt / vñnd sich eins  
solchen gewaltigen vornemens vnterstanden / Seind  
wir von obgemelten vnsern freunden vmb hülff vñnd  
raht ersucht / dorauß wir auch etlich kriegsvolck /  
aus erwegunge allerley vmbstende vñnd gelegenheit  
dieser sachen / versamlet / Weil wir aber zum liebsten  
frieden gefordert vñnd weiterunge verhüten / erfahren  
wolten / wern wir nicht vngeneiget / wo vns E. R.  
zwischen hie vñnd freitags schirst schriftlich berichtē  
würde / das E. R. vnser vnterhandlung auch billi  
che weisunge leiden wolte / fleis vorzuwenden / ob  
wir alleine oder neben andern den vertrag dieser sa  
chen / in der güt befördern könten / wie wir den bey  
obgedachten vnsern freunden derhalben auch wöllen  
erkündunge nemen / vñnd an vnserm fleis nichts er  
winden lassen / Wo aber E. R. in wegerunge sein  
würde / vns gütliche handlung vñnd billiche volge ein  
zureumen / hat E. R. zu ermessen / weil wir densel  
ben

ben vnsern freunden / nicht alleine mit dem geblüt /  
sonder der Erbeinunge / welche die Römische Keiser  
vnd Könige bestetiget / vnd vnserer Dorfaru ge-  
schworn / verwandt / Das wir nicht vmbgehen Kön-  
nen / ire Liebden mit rath vnd hülff nicht zu verlas-  
sen / Wiewol wir außserhalb des / vor vnser person  
noch zur zeit mit E. L. inn vngutem nichts zu thun  
haben / auch E. L. Lande vns nichts angehen / Vnd  
wollen E. L. solche guter meinunge nicht bergen /  
der wir one das zu freuntlichen diensten geneigt  
seind / Datum Mülhausen den xij. Octobris /  
Anno 1c. Elv.

Moritz Hertzog zu Sachsen 1c.

An

**E.**  
An Hertzog Heinrich von Braunschwigk. 2c.

**S**chgeborner Fürst/freundlicher lieber Ohm/  
Nach dem wir heut E. L. zugeschrieben / das  
wir heint unsere Kette zu E. L. schicken wolten/  
seind wir dem volge zu leisten / geneigt gewesen  
Sieweil wir aber vernomen / das E. L. etliche fa-  
nen Reuter vor unsers freuntlichen lieben Vetteren  
Vatern vnd Gefattern des Landgraffen zu Hessen  
2c. Leger heut haben rucken lassen / daraus wir be-  
dencken genomen/ unsere Kette abzufertigen / Wo  
aber E. L. des nochmals gesinnet vnd leiden könnte/  
wolten wir mit Göttlicher verleihunge vormittelst  
erstreckung E. L. geleits unserer Kette / dieselben  
morgen früe zu E. L. vorfertigen/ Bitten derwe-  
gen E. L. wolte vns jr gemüte/was jr gefellig/ver-  
melden/das seind wir vñ E. L. zu beschulden genei-  
get/ Datum im leger vor Northheim / den xvij.  
Monats Octobris Anno 2c. Flo.

Moritz Hertzog zu Sachsen 2c.

D iiii

An

D.

An Hertzog Moritz zu Sachsen etc.

**U**nsere freuntliche dienste / vnd was wir liebes  
vnd guts vermügen / zuuorn / Hochgeborner  
Fürst / freuntlicher lieber Ohm / wir haben E. L.  
schreiben / das die selbigen heut morgen früe ire Re-  
the an vns abfertigen wöllen etc. alles inhalts freunt-  
lich verstanden / Nu dörrffen E. L. voriger vnserer  
schrifften keiner erinnerunge / dobey wirs auch noch-  
mals beruben lassen / Vnd was wir einmal von vns  
geschrieben / das seind wir vestiglich zu halten genei-  
get / mögen darumb E. L. Rethe ankunfft wol erlei-  
den / wöllen auch denselben / voriges vnser gegeben  
Seleit hiemit nochmals zu angebotener vnterrede  
auff heute vernewet vnd erstreckt haben / Das wir  
E. L. hinwider zu freuntlicher antwort nicht wöl-  
len bergen / Datum in vnserm Leger zu Caluel-  
den / am xvij. tag Octobris / Anno etc. Elv.

Von Gottes gnaden Heinrich der jünger Hertzog  
zu Braunschwigk vnd Lüneburgk.

H. H. Z. B. D. L. S. J.  
mein hand.

E.

**S**uor freuntlich vnd gantz willige dienste zu  
uorn/Ehrnveste/erbare vnd hochgelarte/be  
sondere günstige vnd liebe freunde / wir hetten bey  
vns bewogen/ das zu schleuniger förderunge gestri-  
ger gepflogener vnterrede vnd handelunge fast dien-  
lich were/Wo jr vnd wir vns zu samen verfüget/vñ  
darauff vns nach aller notturfft beredt hetten/Wo  
nu solchs gleichergestalt euch auch gefellig / so thun  
wir freuntlich bitten / jr wöllet euch förderlich inn  
das Closter/dorinnen die beide vnser gnedige herrn  
gestern gewesen/ erheben/ Seind wir geneigt / als-  
bald doselbst hien gegen euch auch zu kōmen/ vnd zu  
der behuff bey diesem vnsern Sn. H. Kriegsvolck ver-  
fügen lassen/ das euch solchs vnbesart sein solle/ vnd  
gleicher weise auch vorsehent jr bey dem gegenteile  
vnd desselben Kriegsvolck auch bestellen vnd ver-  
schaffen werdet/ Das wir euch/ den wir freuntlich  
dienst zu erzeigen geneigt/nicht mochten verhalten/  
Datum im feldleger vor Saluelde am xx. tage Oc-  
tobris/Anno 2c. Elv.

Allerdt von Gorde oberster velt herr/Ebert  
von der Recke / Johan Stopler Doctor  
Cantzler/vnd Alchim Rybe.

Den Ehrnvesten/Erbar vnd Hochgelarten herrn  
Georgen Cumerstadt der Rechten Doctorn/Ern-  
sten von Wiltitzen vnd Christoffern von Ebeleben/  
vnsern besondern lieben freunden. Herr

Hertzog Moritz zu Sachsen Rethē  
antwort.

**U**nsere freuntliche vnd willige dienst zuuorn/  
Ehrveste vnd Hochgelarte besunderere gute  
freunde/wir haben ewer schreiben/an vns/verlesen/  
dorinnen jr anzeiget / Das jr der gestrigen gepfloh-  
gener vnterrede vnd handelunge dienstlich achtet/  
Das wir vns neben euch inn das Closter/dorinnen  
beide Fürsten bey samen gewesen / verfüget hetten/  
vnd das aller notturfft ferner vnterredet / Nun ist  
es vngeweißelt an deme/ wie jr zum teil selbst habt  
gesehen/ Das vnser S. H. Hertzog Moritz vnd wir  
allen möglichen fleis vorgewandt/ damit diese Krie-  
ges übung in der gütē vertragen vnd beigelegt het-  
mögen werden/ Wo auch ewer herr die gestrigen von  
vnserm S. H. zugestellten artickel het annemen wöl-  
len/hetten wir gar keinen zweiffel / Es hette solche  
gütliche handelunge bey dem Landgraffen zu Hes-  
sen/vnd den andern mitverwandten stadt gefunden/  
vnd angenommen oder bewilliget wurden / Dieweil  
aber das selbige nicht beschehen / noch sein wollen/  
So hat auch numals vnser S. H. Hertzog Moritz  
vnd auch dergleichen wir auff allen möglichen vorge-  
wanten fleis / so wir auff dis ewer schreiben darge-  
than/ bey dem Landgraffen zu Hessen / keine gütli-  
che handelunge weiter erlangen mögen / Sondern  
S. H. S. haben des gar keine fernere gütliche han-  
delunge

delunge einreumen wöllen / Welchs wir euch wider  
zur antwort nicht wissen zu verhalten / Datum  
im Feldtlager bey Northheim den xx. Octobris /  
Anno 16. 46.

An Allderdt von Gorde Obersten  
veldtherrn / Ebhart von der Re-  
cke / Johan Stopler vnd Alchim  
Rybe.

Gedruckt zu Leipzig bey  
Martin Bapst.

M. D. XLVI.

Faint, illegible text at the top of the page, possibly bleed-through from the reverse side.

Second block of faint, illegible text.

Geometrie und Arithmetik  
Johann Baptist

M. D. XLVI




77 L 1059

ULB Halle 3  
002 814 129



56.







17

**Unser von Gottes**  
genaden Moritzen Hertzogen zu  
Sachsen/ Landtgraffen in Döringen/  
vnd Marggraffen zu Weissen warhafftiger bericht/  
welcher gestalt sich Hertzog Heinrichs von Braun-  
schwigk vnd seines sones Hertzog Carln Ergebun-  
ge/ in dem nechstvorschinen fünffvndvierzigsten jar  
zugetragen/ wider die vnwarhafftigen Leute/ wel-  
che zu vnserm vnd anderer vnglimpffe einen andern  
selbst ertichten/ vnerfintlichen vnd vnwar-  
hafftigen bericht/ ausbreiten.

